

翁同龢日记

陈义杰整理

第五册

中国近代人物日记丛书



中国近代人物日记丛书

翁同龢日记

第五册

陈义杰整理

中华书局

责任编辑：吴杰

中国近代人物日记丛书

翁同龢日记

第五册

陈义杰整理

*

中华书局出版

(北京王府井大街36号)

新华书店北京发行所发行

北京怀柔桥中印刷厂印刷

*

850×1168毫米1/32·20印张·461千字

1997年6月第1版 1997年6月北京第1次印刷

印数 1-1500册 定价：33.00元

ISBN 7-101-00339-7/K·155

目 录

光绪十六年庚寅 (1890 年)	2337
光绪十七年辛卯 (1891 年)	2423
光绪十八年壬辰 (1892 年)	2497
光绪十九年癸巳 (1893 年)	2581
光绪二十年甲午 (1894 年)	2663
光绪二十一年乙未 (1895 年)	2773
光绪二十二年丙申 (1896 年)	2875

光绪十六年庚寅(1890年)

正月朔(1月21日) 寅初起,磨墨写虎字数十幅。焚香告天,诣真容前行礼。入朝,坐西朝房。辰初三刻上诣慈宁宫,率王公百官行庆贺礼。退至上谕馆静坐四刻。辰正三刻诣太和殿行庆贺礼。天气晴和,丰年之兆。易蟒袍补褂,诣贤良祠行礼。拜北城、西城,凡两时始回寓。合家道贺。余勉强支持,志以帅气。夜卧咳。

初二日(1月22日) 晴,暖。仍咳。午后拜东北城客,一时四刻归,乏甚。江韵涛树韵,新放山东遼缺府。来晤。俞幼兰亦晤。坐轿未见其佚。夜咳。

初三日(1月23日) 晴,暖。晨坐小车诣放生池、万柳堂,寻僧闲话,乘马行数里,胸襟一开。归饭。仆人持石谷苏斋图卷、三百。钱叔美小册、二百五。卞文谕西湖十景百。来看。批兴临叔美二幅,亥初始睡。夜不睡,却不咳。谕三月十五日奉皇太后祇谒东陵,二十三日回京。

初四日(1月24日) 晴,暖甚。凌晨起,又临小画一幅。已正出城拜客,于叶茂如处吃点心,归时未正二刻。酉刻邀劼刚、燮臣、颂阁饮,剧谈至戌初散。晚咳一阵,肺气仍未清也。是日未至真容前行礼,疏慢当戒。

初五日(1月25日) 晚阴。晨咳殊甚,久不辨五味,何也。早起至厂肆,寥落且未开门。于论古斋小坐。归饭。午正到署,诸公先在,唯南皮后来,各司上堂遍揖之,画诺不少。散拜客数家。题余所临钱叔美《枇杷林图》,填一词,颇自喜,然无谓。是日奉恩旨,

江苏钱粮分别蠲缓。

初六日(1月26日) 晴。户部初次奏事,寅正入,起巳下。卯正二刻,上至书房,臣等于阳曜门跪贺新年大喜。入讲,巳初退。饭而出,拜客,谒恭邸,未见,邸屡次来也。午正二回寓,乏甚。得袁侄腊月十四函,体中未平,亦言乡民抗租,并有流民数百从镇江来云云。二姊有函。见书画数种,有明人临《洛神图卷》,而杂书赋于卷中。书者袁枢,字伯应,即藏松桂堂帖者也,为之一快。松桂堂一册,去年上海所得者也。

初七日(1月27日) 阴而不雪,略寒。早入。户部奏事。来时不早,巳初退。饭后出,拜景山西门客,遂归。小憩。挈大保游厂肆,遇曾侯。买得瓦研一枚,甚朴古,余无所见。晚归。得小口函,均安,即复之,明日差弁行。吊谭云史。

初八日(1月28日) 微阴,有风,稍寒。夜晴,风止。来时尚秉烛,饭而退。会典馆开馆,诣彼行礼。拈香,九叩。提调、总纂皆来,余邀之坐谈,绘图处诸君语最长。午赴总署,各国使臣来,七国。语特多,凡五刻。散后径归。燮臣、颂阁来看《五老图》,留饭。谈至戌正二始去。得袁卿腊月廿一函,大略如昨函。得汤伯述信。

初九日(1月29日) (项师开馆。)晴。发南信。照常入。是日江苏同乡官谢蠲免钱粮,于乾清门外叩头。卯初。入坐直庐。上阅祝版。一起。辰初来,巳初一退。饭罢西城拜客,未初归。夜未咳。

初十日(1月30日) 晴。是日上行时享礼,又紫光阁宴朝正外藩。皇后千秋节,王公百官蟒袍补褂一日。未入直,出城。过厂肆,购得明人《洛神图》,并得六朝造像数区。徐寿蘅师招饮。自午逮未正,客未齐,先告辞。徐小云、孙子授、许星叔、孙莱山迟未来。是日邀同邑饮,凡三桌,斌、炯两孙及之善陪之,余归已将散席,略一周旋。

许鹤巢、郑季三、李玉舟、殷厚培、未到。庞炯堂、劬庵、周伯英、

未到。季英、俞友萊、曾君表、楊莘伯、盧經伯、季子周、子固、子陶、未到。葉茂如、李君繩、薛君敏、邵子安、鄒介修、沈誦唐。此二君乡試。

十一日（1月31日）晴。照常入。來早，入殿叩頭，謝蒸窩賞。退後詣頌閣略談。飯後寫劉仲良、張云心信，并復孫金彪少襄、徐紹垣星樓信，以原件付還。前日携回石谷可竹居卷，展玩良久。

十二日（2月1日）微陰。自是日至二十日皆无晴房。今日醉邸入朝長春宮。十七起入齋宮，十九郊壇齋宿，二十祈谷。天明起，閑坐看書，甚倦，不可解。夜來未咳，只晨起一陣耳。午後拜客，詣曾侯處，祝其夫人壽，觀劇。十二人公送戲，余亦在內，每人十金，頌閣辦。余另送如意一柄，約十餘金者。申正歸。志氣不振，窃自憾。復周子京書，交摺差。

十三日（2月2日）（賞春帖子。）微陰，午晴。晨至厂肆，了无所睹。晚詣劬剛處，劬剛今日宴客也。飲罷散。是日甲寅日，寅初起，復寫虎字廿餘，亦好事哉。芝庵來。初除服也。

十四日（2月3日）晴。宣廟忌辰，上詣兩殿行札。寅初二刻起，寅正一詣北上门恭竣，卯初二刻在道右謝春帖賞。青桂。三相國毓慶宮、上齋同謝，余在相國后也。歸時天微明，倦聽。巳初偕頌閣赴厂肆一觀，買一研，再看石谷蕉竹幅。乏極。飲于市樓，薄暮歸。欲摹蘇齋瘞鶴銘題字，目昏不辨。得吉卿臘月廿二杭州函，平安，尚无差。

上元日（2月4日）（立春。）晴，暖。卯正入，辰正上御保和殿筵宴，臣在东边第四列。今年蒙古王公略少。毕巳初。詣隆宗門朝房，濂貝勒与一人护军统领。在彼谈三省事，总不以开垦为然。巳正三皇太后驾到，枢臣、毓庆宫、南书房于隆宗門迤南道东跪迎，并磕头谢赏字画。是日太后詣西苑，上仍住宮中。予等常在西苑門迎送，此次初改。蟒袍补挂。归寓飯。出城至湖南館九卿团拜，自未正抵酉初散。戶部帮貼三百兩，崇文門、內務府各一百，步軍衛五十，团拜公分每人二兩，贖亦非矣。戏、席皆不

佳。灯下摹鹤铭，题跋数行。两夜未咳。夜祀先，供元宵。

十六日（2月5日）晴，暖。晨起即摹鹤铭。已正赴景运门朝房，旋入至乾清门，坐廊下。午正乾清宫筵宴，东九人，西八人。二刻毕。饭茶酒肴皆热，遂饱啖。赏件如例。如意、蟒袍、袍褂、花瓶、铜炉。退与恩、徐、额、麟到会典馆查勘。十四日夜有贼窃银票千馀两，并放火欲烧文移处住班屋，茶房觉而扑灭，窗已燎矣。额欲不奏，余等以为应奏。看稿先归。再摹《鹤铭》，毕，自恨不读书而多闲事。早起敬收真容。自十七日起不坐轿矣。

十七日（2月6日）晴，暖。劄刚来。午后入署。归，福相来，周生霖来。考毕回京。夜阴，大风起，云渐解驳，五更风又作。夜饭食蒸馒头。中夜起腹泄。

十八日（2月7日）晴，风不止，稍寒。竟日未出，看去年两期馆课卷，许鹤巢已圈点拟批，余再审定书之。自朝抵暮，倦矣。无客来。是日会典馆奏事，余未入，午后始来补画奏稿，亦罕见也。

十九日（2月8日）晴，大风，顿寒，三冬所无也。辰初三登车，二刻而抵坛内。坐帐房，燕甫、劄刚来。风益大。已正过迤至斋宫门廊下小坐，寒甚。午初上入斋宫，百官站班。余等仍在西苑第一班。百官以东为上，毓庆宫、南斋以西为上。蟒袍补褂。退赴伯寅约，于观里瑞德堂，未初散。过厂肆，于笔采斋携字画一二件。夜赴颂阁处便饭，曾侯、孙兄同坐，戌正归。风止。

二十日（2月9日）寒甚，无风，午后阴。昨日传黎明西苑门接驾。卯初一刻到六部公所，卯正三刻上至，群臣于西苑门外跪接。蟒袍补褂。归寓，敬摹王文成像。苏斋临本。午后祝崑小峰太夫人八十寿，并拜数客归。得小山函。斌感冒发热。余年六十一，例不陪祀，故在西苑接驾。黄忠端诗四章，在狱中书。王文成公像。释道全竹。希之像，不知其人，明人题字，皆吴人。元人芦□。董字卷。皆昨日携归，可观。观台山水，有眉字、人

物、樹石、壽老，竟未釐定為偽本。《西清古鑒》，銅板印本，由頌閣送來。前買股票十一兩零，今尚需此數。又一本系徐孫殿所贈，票今不知所在。

廿一日（2月10日） 陰。是日初有書房。卯初三刻抵西苑門少坐，即入，坐冰床。卯正三刻上至，講甚長，已初二退。飯後仍坐冰床出。開發西苑賞項。過國子朝房小坐。歸後無客來。發湖南信。復中觀察函。衡，兗沂道。寫何星橋福奎信。河南候補道。張昨仍發熱。

廿二日（2月11日） 紫光閣筵宴，無書房。晨起批發去年兩次館課卷。偷閒寫隸草。飯後入署，事多。歸後寫知曼伯觀察壽幛，南汝光道。函。李牧齋編修盛鐸來。上以二句萬壽推恩庄順皇貴妃母家三代均贈一品封典，靈壽三子廷惠賞騎都尉世襲罔替。吳大澂以母病請假一月，河道總督倪文蔚兼署。

廿三日（2月12日） 晴。照常人，退時已初二刻。此為整功課矣。退出西長安門，至江蘇新館北半截胡同，施小山所留，是印結中公捐，李玉舟所辦。請客，客南齋五君及孫五兄也。潘伯寅、李若衣、徐頌閣、陸鳳石、吳雪臣。申刻散，倦極即歸。蔡厨一桌十二金，煤炭八千。車飯銀四十一千，座地三千，煤炭五千。暖極。寫浙信，寄子祥侄。

廿四日（2月13日） 晴。照常人。來時辰初一刻，退時已初二刻，中間耽閣二刻。歸，小憩。入署。晚赴劄剛招，在坐孫、徐兩兄，續燕甫，談至二鼓始歸。寫朱敏生信，托其為祥釀吹噓。得沈仲復函、龍芝生函。江蘇督撫奏，起運米四十八萬有零。夜不眠。

廿五日（2月14日） 晴，暖。寅初起，寫虎字二一餘。上元始立春，今日為真寅月寅日也。續燕甫十，曾侯三。入時早，耕坐冰床。照常退，欲眠，咳呛不得眠。晚邀芝庵、燕甫、劄剛、燮臣、頌閣飲，亥初散。是日太和殿演禮傳卯刻，不能到。中夜陳粥底以兄病來索人參。寅正起，以銘送兩枝付之，計六錢五分，卯初送其家人出城，余復卧，已初始起。

廿六日（2月15日） 晴。是日進內，王大臣皆緋袍補褂。是

日上以二旬万寿，赐王公大臣于太和殿筵宴。已正至吏部公所恭俟。午初二刻上至，群臣恭立，静鞭鸣，然后坐，一叩，进酒茶，一叩。起立，进爵者捧爵上。庄亲王。宝座阶七级，又一级。群臣跪进酒，一叩。坐，赏食，一叩。赏茶赏酒礼节内有，却未见。蒙古乐人，召王公近支及蒙古王。至宝座前赐酒，群臣仍坐不起立。宴毕，三叩，起立，俟鸣鞭，上还宫，群臣即坐次立侍。礼毕，入宴朝服，执事蟒袍补褂。约三刻馀。一二品在殿中，三品以下在丹陛上下。殿中东西各七列，每列七桌。馀在东边第三列。东边六十六人，余适在三十二，与张、徐两相联裾。退后诣燮臣处饮，劼刚、颂阁同坐。恩旨八条。恭亲王添甲五十分，护军十五分。余近支王公或赏银，或加恩子弟。懿旨，醇亲王添甲如恭亲王，子赏将军。毋庸举告祭礼及升殿礼。万寿节百官蟒袍补褂七日。御前、军机加恩有差，蒙古王赏貂裘褂。李鸿章等加恩子弟有差。各省督抚将军不得来京祝嘏。秋审停勾。福藩张梦元告病，廖寿丰补。龚照璠升浙臬。

廿七日（2月16日）阴，寒，酉初雪作。照常人，饭罢遣。拜客。入署，事烦。得贾湛田函，即复之。伯王之子那尔苏病故，此人英隽，可惜。陈弼宸之兄竟卒，亦可怜也。黄昏雪止，不过五六分耳。中夜大风起。

廿八日（2月17日）阴，大风不止，寒甚。照常人。来晚，退早。饭罢退。写字。芝庵来。薄暮偕芝庵、燮臣同赴伯王邸，吊那贝勒，入哭，未奠酒。慰伯王，谈坐良久，黄昏散，未送三也。是日入时退时过长桥，风劲几却步。夜晴。

廿九日（2月18日）风止仍寒，风仍间作。有引见。照常人，来仍不早。退后出城，慰陈弼宸，晤丁生立钧，坐良久。拜客。送鹿芝轩，已行矣。到署，晤孙、崇两公。归，写对。访颂阁不值。是日吏部奏派随扈，户部派出臣馮。夜薄颯来回事。伯彦诺谟祜赏假二十日。

吏：麟书、松淮。户：翁同龢。刑：薛允升。都：祁世长。理：松森。通：岳琪。翰：长萃。詹：李文田。仆：寿荫。鸿：李端遇。国：萨廉。钦：杜春融。宗：钱君溥。宗人府奏派睿王、肃王、澍贝勒、愉贝子、又总族长怡王。兵部奏派荣禄、秀吉、英信。工部奏派潘祖荫。提督衙门奏派文秀。前日礼部派出李鸿藻，兵部奏派乌拉喜崇阿、徐用仪，内务府奏派嵩申、巴克坦布。

二月朔（2月19日）晴，无风。卯初至朝房俟，卯正三刻上自西苑还宫，坤宁宫吃肉，王大臣凡三十四人，余在第五列第三。退至溥贝勒处，贺其三十三岁寿，未下车，并贺恭邸。归，写对匾。看《会典》二册，甚倦。早间吃冷肉，腹微疼。许筠庵来谈。仆人王炳辞归江南□□镇道黄处。

初二日（2月20日）晴，寒。照常入。上还宫吃小肉，到书房晚，不过四刻退。午邀陈六舟、周生霖、汪柳门、高熙廷、恩，湖南差旋。张叙墀星炳，云南差旋。便饭，散时申初。

初三日（2月21日）阴，欲雪，已刻风起，晴，寒甚。户部带引见。坐粮厅满监督、内仓监督。辰正到书房，照常退。微感寒，早晨咳，却又受热也。晚赴颂阁处饮。访续燕甫，慰其失女。昨左翼监督放崇礼，右翼芬车。

初四日（2月22日）晴，霜浓，早寒。车绕景山以避寒。来时早，照常退。成均朝房小憩。另糊顶篷，落低尺许。入署，晚归。重观李元靖碑，索值益昂，然剧爱之。得袁卿正月九日函，平安，但诉租米全无耳。即作函，明日发。

初五日（2月23日）晴，寒。是日上入斋宫，无书房。晨写字，出城拜客，晤李兰生、潘伯寅、腹疾已愈。许筠安，并见其子荫生乘琦。号稚筠，行五，乡试曾挑誉录。归寓饭。借得盛伯羲、续燕甫两处帐房，较余所有为便。令官人来支起。昨今两日，每日八人，每人两吊。访晤

徐见农总戎邦道，略坐即行。夜吊奎星斋宗伯，伊去年类中风治愈，精神本愈也。夜杨蕻芳来谈。

初六日（2月24日）晴，平明风起，甚寒，夜未止。入直毓庆宫书斋，照常退。是日以病者获安，报祀神祇，卯刻行礼，顺明毕事。羊一、豕一。孙、徐两公来此吃肉，合家饮福，下及舆台，无不饱也。晚徐见农总戎来长谈。及寿州事，为之感慨。

初七日（2月25日）晴，寒，风尖。照常入，退独早，上左目赤也。是日成均值日，朝房站班，上诣圣人堂行礼，至上书房站班。退偕孙兄吊那贝勒，余送十六两，孙十两。先晤伯邸，让良久，不令奠，后设高奠，余等仍行礼也。拜客未晤，归检字画，未见客。看《会典》。入署，晤孙、崇两君。

初八日（2月26日）微阴。社稷大祀，无书房。晨看《会典》。午邀南皮、高阳两相国、许星叔、孙莱山饮，未正坐，酉初散，甚乐。

初九日（2月27日）晨阴，旋即起风，晴矣。来时晚。照常退，至成均朝房小憩。入署，遇曾公。归后动闲气。致无锡令吴子佩观乐函，荐仆人安正。安正者，十年前随余住西山丙舍，今为庞氏仆。旋由颂阁致金匱令罗君，为此仆说好话。罗，颂阁之门人，与吴子佩水火。因子佩居官不甚妥帖也。得署巩昌府胡宗淮书，并羊皮甬一身、羊肚蘑四斤。

初十日（2月28日）晴，晨极寒，疑外间有雪。昨传今日起三日无书房。本日户部值日，到朝房坐，闻工部引见照旧，且有孙诒经起，知圣躬安和，大抵为目疾耳。归后便衣过厂，无所见。邵伯英来。吴次潇从南中来，志在外官，余亦因无屋，未留住。送衣料、香合，未受，受所刊书数种。夜邀孙、徐两公小饮，兰孙送梭鱼、鳃虾，甚鲜。徐邦道送礼，却之，受酒、腿、海参、鱼翅。

十一日（3月1日）晴，仍寒。为徵和斋厚，云南临安守。作书。

托王夔石、史繩之，并寄譚叙初函。入署。夜赴頌閣便飯，孫、曾兩君劇談，歸甚晚。徵和齋來。寫大屏送徐見農。令仆人至橫街查点上房物件，窗戶扃鎖皆開矣。

十二日（3月2日）（徐占彪、四川中部人。楊岳斌、黃翼升，此三人，徐見農云忠赤可恃。）晴，稍暖，午後風起。晨擬師季瞻嫁女、寶佩翁娶兒婦，景東甫續室。皆晤。晤陳六舟。歸飯。徐見農來辭行，晤談。出城吊陳煦萬之喪、弼宸之兄。十金、幛。孫傳爽本生父喪。拜數客，皆未見。徐見農已出城，遣人送之。送八匣物、對、屏。得黃讓卿元善函。貴恒授左都御史。

十三日（3月3日）晴，昨夜半大風動地，竟日不上，甚寒。坐車繞景山，二刻多。來時早，退照常。冒風步武難展。飯後入署。橫街屋，昨日扃鎖，今日已開矣，失磁碗等件。據奎孫云，系伊開門取去。得錢犀盒信。

十四日（3月4日）晴，午後又風。照常入。來時晚。退后訪仲華于班所，談許久。過成均朝房小坐，作信答犀盒。歸，檢城外取來物件，見吾母平生所御，哽咽流涕。奎孫來。御前首領馬雙福讞首領王萬榮得粵海監督廣英銀巨萬，而自認收銀四百，牽控內監十餘人，云是過付。有懿旨交慎刑司嚴訊治罪。昨巴克坦布，今福錕見起，均為此也。現在專治馬雙福，并斗毆之尹得壽，余概不問，仍交進當差。

十五日（3月5日）微陰。上還宮閱祝版，仍至書齋，來時不早，退照常，昨內監事尚未了也。鵝成均朝房。入署。歸檢旧物，悽然。夜臥不安。得孫駕航書、湯子久書。張曜請大修黃河堤岸，奉旨撥銀二百八十八萬五千餘兩，先于部庫撥若干解赴山東。

十六日（3月6日）晴，漸暖。上詣關帝廟行禮，祀書房。倦甚，遍身皆疼。未出門，看《會典》一本而已。新放承德府啟紹來

见，承斋。工部旧属也。夜似发热。得小山函，前日到，斌今日始呈卷，偶忘之。

十七日(3月7日) 晴。强起入。来时早，动笔数行。照常退。午后入署。是日邑馆祭言子，同龢竟累年未到，今日准拟观礼而不能也。夜孙、徐、曾三君过饮，戌初散。

十八日(3月8日) 晴，暖。是日户部带引见。杀虎口监督，奏留四人。来时晚。退后憩朝房。入署。出城问李若农疾，长谈。又晤陈弼宸，伊将南归也。过厂肆，于书摊得旧抄《皇极经世书》。张曙德之子明兆号云卿，行一。来见。甚开展。

十九日(3月9日) (洋灰袍褂。)晴，尤暖。来时早，动笔。退憩朝房。出西长安门拜客。诣许星叔处饮，燮臣、颂阁、生霖、柳门在座，傍晚归。今日始换洋灰鼠袍褂，从前所无也。

二十日(3月10日) 晴，有云气。有兵部引见。来时不早。退至朝房，写信，看《湘军记》。入署，遇曾公。归检字画。荣仲华明日生日，非正寿。送四菜四点。自做。发南信。答汤伯述函，凡三来书，第三函乃告帮，欲捐免保举也。蔡汉三昨日中风，今日斌孙夫妇往看，未见轻减。夜大风起，飞雪。

廿一日(3月11日) 大风悽愴如三冬，阴。冒风入，朋桥欲飞，雪积分许，皆颺去矣。有引见。来时辰正三，退照旧。祝仲华，少坐即行。归写卞颂臣信，交其摺差李鸿年携去。入署，遇崇君。倦甚，检字画。斌未归。今日九尽。

廿二日(3月12日) 晴，风不止，已刻又大作，寒甚，冰结。一切如常。有引见。归后陈弼宸来辞行，求致卞帅书。邀杨蕪芬宗谦、吴次瀟丙湘、张云卿明兆，并邀李玉舟、叶茂如陪之。午正二坐，申初散。访芝庵谈。蔡汉三竟不起。

廿三日(3月13日) 晴，有风。来晚，退照常。出西长安门，

詣醇邸，晤談良久，以鐵路項下擬暫借六十万、海軍續撥項下暫借二十万，充山東河工之用。斷斷數百言，幸見許。入署，訪北檔房具稿入奏。傍晚歸，冰复合，不能行舟。

廿四日（3月14日）晴，无風，稍暖。講時甚久。退憩成均朝房。已正三刻詣汪柳門，看所藏書，士禮居數種極精，抄本數十種皆旧。並應其約，同坐者孫五兄、周生霖、徐頌閣、廖仲山、恽次远，酉初二刻始散。致卞頌臣函，為陳弼宸鹽務事，即交携去。

廿五日（3月15日）晴，无風，暖。入時與庆邸談。退過朝房小坐。唁額小山妻喪。答劉景澄方伯，送陳弼宸行，答張子遇太守，鴻順，湖南知府。其父任汶上縣，戊辰年見之。蘭孫之戚。皆晤謝。劉公未見。哭蔡漢三。漢三郎潛廿年，始以勞績補缺，一仆不起，傷哉。過厂肆，買石庵字畫四幅，才四金耳。已革提督周蘭亭來見。号金声，湖南湘潭人。在江南累著戰功，后于金積堡退守被劫，今由直督保奏，送部引見。

廿六日（3月16日）晴。來晚，退憩朝房。入署，划錢糧稿極多。張云卿來辭行，未見，送路菜八匣，答其尊人載之，贈摺扇一柄。連日傳裕祿遞牌。

廿七日（3月17日）晴，暖。來尤晚，退如常，到朝房。歸小息，張子遇來見。弔奎星齋。樟、分八兩。晚飯後詣頌閣談，冰泮复坐船。

廿八日（3月18日）早陰，大風，不甚寒，晚晴。上回宮行礼。垂乾宮。到書房早，未動筆，因倦也，退憩朝房。出城拜客，晤陳同年。代卿，号云笙，己酉拔，山東知縣，丁公勅休致，今送部引見，其胞姪新佐，戊子門人。吊邵小村母喪，小村十九日到京也。答叶提督、志超、曙清。徐臬司文達皆未見。入署。歸后嵩臬司、崑，由山西調安徽。劉藩司瑞祺，景澄，由河南調福建。來見長談。叶君送禮，受皮护書一、洋茶食二瓶。

廿九日（3月19日）晴，暖。上閱祝版回宮。到書房早，一起。

退如常。拜北城客新除授者。皆未晤。归写对子。麟芝庵、毕蒂亭崇、孙燮臣并山东司来。杨蕪芳托求对：贾澜坛、卫汝贵、三、吴育仁月楼皆提镇，吴乃己酉同年弟。

三十日(3月20日) (春分。)先阴后晴，大风起。是日上诣朝日坛，无书房。晨写对，午入署。李相来都，往拜晤谈。曾侯来谈朝鲜事，俄意具见新报，一鹤上屋有凌霄之志矣。

闰二月朔(3月21日) (灰鼠一套。)晴，无风稍暖。晨至公所，候李相者垒集，避之，晤箴亭略谈。上到书房迟。是日见李相起三刻，退时过相君庐未入。寓奉宸院公所。昨得石谷小册，摩挲考订，盖六十岁作。夜邀燮、颂两兄便饭，至更深。管岑云行三，名鼎勋，永定河先尽通判，荏生之子，其兄长病废，其五弟候选盐场。来见。管与程覃叔表亲，覃叔之第三子号寅龄者入蜀，曾署雅州守。第六子号禄生嘉佑起复刑部郎，七、八两子同佑、崧佑近以火器伤人，一送刑部一在逃，吁，可伤哉。

初二日(3月22日) 阴。李相起。到书房甚晚，四刻退，憩朝房，入署。以二十金交颂阁为南皮作生日。凡十一人，孙兄既与，余不得不列名。早间在公所买料烟壶，极无谓。致书刘仲良问其疾。伤口告假一月。致沈仲复汪范青将游皖，余信却云欲觅书院。薄暮小雨，大风起雨止。

初三日(3月23日) 风甚大，云开。是日国子监带引见官七人有引见，吏部。在勤政殿庐候一时许，先召见，后引见，有李相起。辰正三刻始回含元殿，传今日无书房，饭而去，朝房小憩。出城拜许岫屏、张樵野，皆未晤。入署。归后李相来长谈，纲堂来晤。

初四日(3月24日) 晴。照常入，来时早，未动笔，后退径归。酉刻邀李相国饮，曾侯作陪，燮臣、颂阁与予作主，酉初集，亥初散，谈笑甚洽。菜尚佳，戈什等二桌。送客毕与诸孙闲话，犹窗槛有

声，如大风撼窗纸，始悟是地动，自北而南，一瞥即过，时亥初二刻五分也。饱不得眠。

初五日（3月25日）微阴有风，暖，来时辰初，动笔甚畅，退后憩朝房。入署，查顺天府领会试供应米。内仓无米，只得补通仓。李相送牛肉精六小瓶，美国所制，食之补血。晚饭后忽头痛大汗呕吐，呕吐后气舒。

初六日（3月26日）（银鼠白袖头。）有风，暖，午后风大，晚止。来时早，退照常，朝房欲憩不得。午赴湖南馆己酉团拜，廿桌，与丁未甲辰等六科同局，为李相也。送酒后即行。到才盛馆江苏团拜，李相辞，客有徐仁山（士达）、季士周、杨蕪芳、张枫卿（石卿子）。坐至酉初，喧聒且热不能耐。送钱妃思行锡形，辛伯之子。未见，归薄暮。

己酉朝考，世兄曾劼刚、到。孙莱山、辞。福孙世兄善、朱孙世兄、杜世兄、季孙世兄。邦楨。到。车意园孙世兄鼎勋，号菊九，来京求设法，人土气，尚诚实，寒极，可怜也。

初七日（3月27日）晴热无风。来时早，退照常。到会典馆寻供事不得，携三本《会典》出。诣张相国在河沿毓家空房。外观剧。酬资者十三人。自午正抵酉正，倦不可当。是日内务府审拟太监杨茂福偷盗库银案，二千两。拟绞候。皇太后召见内府诸臣，谕所拟过轻，午刻上召见，谕令即行处斩，庶几惩一儆百矣。

初八日（3月28日）晴，热更甚，可棉衣。来时晚，未动笔。退后同福相诣醇邸商奉宸苑借款事，三十六万。因谈铁路议议事，邸意怏怏，以为与香涛定议不应中变，语极长。入署乏甚。晚访于生式故未晤。晤李相谈茶务及北六省土药。奏事处总管祁某，发打牲乌喇，十年始释回。前日召见内务府大臣时误未到班，又二人俱降职掌仪司廉子库。

初九日（3月29日）晴，不甚暖。有引见。来时辰正，退照常，